



# 大般涅槃經

趙樸初題



●〔北涼〕曇無讖譯

●上海古籍出版社

中國佛經五大部之一。

為中國佛學見性頓悟

理論之淵源。

大般涅槃經

趙樸初題



● (北京) 曇無讖譯

● 上海古籍出版社

大般涅槃經

(北涼)曇無讖譯

上海古籍出版社出版

(上海瑞金二路272號)

華書上海發行所發行 吳縣文化印刷廠印刷

開本787×1092 1/16 印張14.5

1991年2月第1版 1991年2月第1次印刷

印數：00001—2000

ISBN 7-5325-0850-1

B·118 定價：7.75 元

## 出版說明

《大般涅槃經》，亦稱《大本涅槃經》或《大涅槃經》，簡稱《涅槃經》，四十卷，北涼曇無讖譯，為大乘佛教五大部經典之一。

此經最早傳入中國的部分，相傳即後漢支婁迦讖譯的《梵般泥洹經》二卷；次曹魏安法賢譯有《大般涅槃經》二卷，《歷代三寶記》中竺道祖錄說它是「略大本前數品」；又吳支謙譯有《大般泥洹經》二卷，同記亦云是「略大本序分」，此三本均于涼譯大本前闕佚。

異譯本有東晋法顯與佛馱跋陀羅譯的《大般泥洹經》六卷，內容相當於曇無讖譯本的前十卷。南朝宋慧嚴、慧觀和謝靈運等以曇無讖譯本為主，依法顯等人的譯本《大般泥洹經》增加品目，改為三十六卷二十五品，亦名《大般涅槃經》，世稱「南本涅槃」。以天竺三藏曇無讖所譯為「北本涅槃」。

曇無讖始於北涼玄始十年（四二一）受沮渠蒙遜之請，在姑臧（今甘肅武威市）譯出三十卷，後改分四十卷，分作十三品；主要闡述佛身常住不滅，涅槃常、

樂、我、淨，一切衆生悉有佛性，一闡提（斷絕善根者）、聲聞與辟支佛均得成佛等大乘佛教思想。其理論與部派佛教中的大衆部義理頗有契合之處，與《般若經》、《法華經》、《華嚴經》的重要思想亦有一致的地方。特別是其中的「佛性」觀，後世成為中國佛教各宗派理論的最主要的思想淵源。

此經在印度本土流傳不廣，入中國後，影響甚大。法顯譯出六卷《泥洹經》後，道生度經文之意而首倡「一闡提人皆得成佛」，引起衆人的強烈反對。直到曇無讖譯《大本涅槃經》傳至建康，經中果有一闡提成佛說，故道生被稱為「孤明先發」。道生於廬山大講《涅槃經》，主張頓悟；慧觀則依此經而主張漸悟。從此並創涅槃學派之兩大系。此後南北方均出現不少涅槃師，盛行講習、注疏。

《大般涅槃經》，歷代各版大藏經均有收錄。此次即據民國間《影印宋磧砂藏版大藏經》印行，其中缺損配葉選自元《普寧藏》本。

上海古籍出版社 一九八九年十月


# 目錄

卷第一	壽命品第一之一	一
卷第二	壽命品第一之二	七
卷第三	壽命品第一之三	一三
	金剛身品第二	一六
	名字功德品第三	一八
卷第四	如來性品第四之一	一九
卷第五	如來性品第四之二	二三
卷第六	如來性品第四之三	二九
卷第七	如來性品第四之四	三五
卷第八	如來性品第四之五	四〇
卷第九	如來性品第四之六	四六
卷第十		

	如來性品第四之七	五一
	一切大衆所問品第五之一	五三
卷第十一	一切大衆所問品第五之二	五七
	現病品第六	五八
	聖行品第七之一	六一
卷第十二	聖行品第七之二	六三
卷第十三	聖行品第七之三	六八
卷第十四	聖行品第七之四	七四
	梵行品第八之一	七九
卷第十五	梵行品第八之二	八〇
卷第十六	梵行品第八之三	八六
卷第十七	梵行品第八之四	九一
卷第十八	梵行品第八之五	九六
卷第十九	梵行品第八之六	一〇二
卷第二十		

梵行品第八之六	一〇八
嬰兒行品第九	一一二
卷第二十一	
光明遍照高貴德王菩薩品第十之一	一一四
卷第二十二	
光明遍照高貴德王菩薩品第十之二	一二〇
卷第二十三	
光明遍照高貴德王菩薩品第十之三	一二五
卷第二十四	
光明遍照高貴德王菩薩品第十之四	一三〇
卷第二十五	
光明遍照高貴德王菩薩品第十之五	一三六
卷第二十六	
光明遍照高貴德王菩薩品第十之六	一四二
卷第二十七	
師子吼菩薩品第十一之一	一四八
卷第二十八	
師子吼菩薩品第十一之二	一五三
卷第二十九	
師子吼菩薩品第十一之三	一五九
卷第三十	
師子吼菩薩品第十一之四	一六五

卷第三十一	
師子吼菩薩品第十一之五	一七一
卷第三十二	
師子吼菩薩品第十一之六	一七七
卷第三十三	
師子吼菩薩品第十一之七	一八三
迦葉菩薩品第十二之一	一八四
卷第三十四	
迦葉菩薩品第十二之二	一九〇
卷第三十五	
迦葉菩薩品第十二之三	一九五
卷第三十六	
迦葉菩薩品第十二之四	二〇〇
卷第三十七	
迦葉菩薩品第十二之五	二〇六
卷第三十八	
迦葉菩薩品第十二之六	二一一
卷第三十九	
憍陳如品第十三之一	二一三
卷第四十	
憍陳如品第十三之二	二一六
卷第四十	
憍陳如品第十三之三	二二一



大般涅槃經卷第一

通一

北涼天竺三藏曇無讖奉 詔譯

大般涅槃經壽命品第一之一  
 如是我聞一時佛在拘尸那城力士生地阿利羅跋提河邊娑婆雙樹間爾時世尊與大比丘八十億百千人俱前後圍繞二月十五日臨涅槃時以佛神力出大音聲其聲徧滿乃至有頂隨其類音普告眾生今日如來應正徧知憐愍眾生覆護眾生等視眾生如羅睺羅為作歸依屋舍室宅大覺世尊將欲涅槃一切眾生若有所疑今悉可問為最後問爾時世尊於晨朝時從其面門放種種光其明雜色青黃赤白頗梨瑪瑙光徧照此三千大千佛之世界乃至十方亦復如是其中所有六趣眾生過逝光者罪垢煩惱一切消除其諸眾生見聞是已心大憂愁同時舉聲悲啼號哭嗚呼慈父痛哉苦哉舉手拍頭椎背叫喚其中或有身體顫慄涕泣喧嘩爾時大地諸山大海皆悉震動時諸眾生共相謂言且各裁抑莫大愁苦當疾往詣拘尸那城力士生處至如來所頭面禮敬勸請如來莫般涅槃住世一劫若減一劫互相執手復作是言世間空虛眾生福盡不善諸業增長出世仁等今當速往速往如來不久必入涅槃復作是言世間空虛世間空虛我等從今無有救護無所宗仰貧窮孤露一旦遠離無上世尊設有疑惑當復問誰時有無量諸大弟子尊者摩訶迦旃延尊者薄拘羅尊者優波難陀如是等諸大比丘遇佛光者其身顛掉乃至大動不能自持心濁迷悶發聲大喚生如是等種種苦惱爾時復有八十百千諸比丘等皆阿羅漢心得自在所

作已辦離諸煩惱調伏諸根如大龍王有大威德成就空慧速得已利如栴檀林栴檀固繞如師子王師子圍繞成就如是無量功德一切皆是佛之具子於其晨朝日始初出離常住處嚕揚枝時遇佛光明並相謂言仁等速疾漱口澡手作是言已舉身毛豎徧體血現如波羅奢華涕泣盈目生大苦惱為欲利益安樂眾生成就大乘第一空行顯發如來方便密教為不斷絕種種說法為諸眾生調伏因緣故疾至佛所稽首佛足繞百千巾合掌恭敬却坐一面爾時復有拘陀羅女善賢比丘尼優波難陀比丘尼海意比丘尼與六十億比丘尼等一切亦是大小阿羅漢諸漏已盡心得自在所作已辦離諸煩惱調伏諸根猶如大龍有大威德成就空慧亦於晨朝日初出時舉身毛豎徧體血現如波羅奢華涕泣盈目生大苦惱亦欲利益安樂眾生成就大乘第一空行顯發如來方便密教為不斷絕種種說法為諸眾生調伏因緣故疾至佛所稽首佛足繞百千巾合掌恭敬却坐一面於比丘尼眾中復有諸比丘尼皆是菩薩人中之龍位階十地安住不動為化眾生現受女身而常修習四無量心得自在力能化作佛爾時復有一恒河沙菩薩摩訶薩人中之龍位階十地安住不動方便現身其名曰海德菩薩無盡意菩薩如是等菩薩摩訶薩而為上首其心皆悉敬重大乘安住大乘深解大乘愛樂大乘守護大乘善能隨順一切世間作是誓言諸未度者當令得度已於過世無數劫中修持淨戒善持所行解未解者紹三寶種使不斷絕於未來世當轉法輪以大莊嚴而自莊嚴成就如是無量功



德等觀衆生如視一子亦於晨朝日出時遇佛光明舉身毛豎體血現如波羅奢華淨治盈目生大苦惱亦為利益安樂衆生成就大乘第一空行願發如來方便密教為不斷絕種種說法為諸衆生調伏因緣故疾至佛所稽首佛足繞百千匝合掌恭敬却坐一面爾時復有二恒河沙等諸優婆塞受持五戒威儀具足其名曰威德無垢稱王優婆塞善德優婆塞等而為上首深樂觀察諸對治門所謂苦樂常無常淨不淨我無我實不實歸依非歸依衆生非衆生恒非恒安非安為無為斷非斷涅槃非涅槃增上非增上常樂觀察如是等法對治之門亦欲樂聞無上大乘如所聞已能為他說善持淨戒渴仰大乘既自充足復能充足餘渴仰者善能攝取無上智慧愛樂大乘守護大乘善能隨順一切世間度未度者解未解者紹三寶種使不斷絕於未來世當轉法輪以大莊嚴而自莊嚴心常深味清淨戒行悉能成就如是功德於諸衆生大慈心平等無二如視一子亦於晨朝日出時為欲闍毗如來身故人各取香水萬束栴檀沉水牛頭栴檀天木香等是一一木文理及附皆有七寶微妙光明譬如種種雜彩畫飾以佛力故有是妙色青黃赤白為諸衆生之所樂見諸木皆以種種香塗鬱金沉水及膠香等散以諸華而為莊嚴優鉢羅華拘頭華波頭摩華分陀利華諸香木上懸五色栴柔麁微妙猶如天衣綺奢耶衣芻摩縵綵是諸香木載以寶車是諸寶車出種種光青黃赤白轆轤皆以七寶厠填是一一車駕以馴馬是一一馬駭疾如風一一車前豎立五十七寶妙幢真金

羅網彌覆其上上一寶車復有五十微妙寶蓋一一車上垂諸華曼優鉢羅華拘頭華波頭摩華分陀利華其華純以真金為葉金剛為臺是華臺中多有黑蜂遊集其中歡喜受樂又出妙音所謂無常苦空無我是音聲中復說菩薩本所行道復有種種歌俳歌舞樂管笛篳篥蕭瑟鼓吹是樂音中復出是言苦哉苦哉世間空虛一一車前有優婆塞摩四寶樂是諸樂上有種種華優鉢羅華拘頭華波頭摩華分陀利華鬱金諸香及餘薰香微妙第一諸優婆塞為佛及僧辦諸食具種種備足皆是栴檀沉水香薪八功德水之所成熟其食甘美有六種味一苦二酢三甘四辛五鹹六淡復有三德一者輕軟二者淨潔三者如法作如是等種種莊嚴至力士生處娑羅雙樹間復以金沙遍布其地以迦陵伽衣欽婆羅衣及縵綵衣而覆沙上周巾徧滿十二由旬為佛及僧敷置七寶師子之座其座高大如須彌山是諸座上皆有寶帳垂諸瓔珞諸娑羅樹悉懸種種微妙蓋種種好香以塗樹身種種名華以散樹間諸優婆塞各作是念一切衆生若有所乏須食與食須飲與飲須頭與頭須目與目隨諸衆生所須之物皆悉給與作是施時離欲眼志穢濁毒心無餘思惟求世福樂唯期無上清淨菩提是優婆塞等皆已安住於菩提道復作是念如來今者受我食已當入涅槃作是念已身毛皆豎體血現如波羅奢華涕泣盈目生大苦惱各各齎持供養之具載以寶車香木檀栴寶蓋飲食疾至佛所稽首佛足以其所持供養之具供養如來繞百千匝舉聲號泣哀動天地椎胸大叫淚下如雨復

相謂言苦哉仁者世間空虛世間空虛便自舉身投如來前而白佛言唯願如來哀受我等最後供養世尊知時默然不受如是三請悉皆不許諸優婆塞不果所願心懷悲惱然而住猶如慈父唯有一子卒病喪亡送其屍骸置於塚間歸還悵快愁憂苦惱諸優婆塞憂愁苦惱亦復如是以致供具安置一處却在在一面默然而坐爾時復有三恒河沙諸優婆塞受持五戒威儀具足其名曰壽德優婆塞德優婆塞毗舍佉法優婆夷等八萬四千而為上首悉能堪任護持正法為度無量百千衆生故現女身訶責家法自觀已身如四毒蛇是身常為無量諸蟲之所啖食是身是穢貪欲獄縛是身可惡猶如死狗是身不淨九孔常流是身如城血肉筋骨皮裹其上手足以為却敵樓櫓目為窟孔頭為殿堂心王處中如是身城諸佛世尊之所棄捨凡夫愚人常所味著貪婬瞋恚愚癡羅刹止住其中是身不堅猶如蘆葦伊蘭水沫芭蕉之樹是身無常念念不住猶如電光暴水幻燄亦如畫水隨畫隨合是身易壞猶如河岸臨峻大樹是身不久當為狐狼鴉鷲鴉鷲鳥鵲餓狗之所食嗷誰有智者當樂此身寧以牛跡盛大海水不能具說是身無常不淨臭穢寧九大地使如粟等漸漸轉小猶如磨子乃至微塵不能具說是身過患是故當捨如棄渣唾以是因緣諸優婆夷以空無相無願之法常修其心深樂諒受大乘經典聞已亦能為他演說護持本願毀咎女身甚可患厭性不堅牢心常修習如是正觀破壞生死無際輪轉渴仰大乘既自充足復能充足餘渴仰者深樂大乘守護大乘雖現女身實

是菩薩善能隨順一切世間度未度者解米解者紹三寶種使不斷絕於未來世當轉法輪以大莊嚴而自莊嚴堅持禁戒皆悉成就如是功德於諸眾生大慈悲平等無二如視一子亦於晨朝日出時各相謂言今日宜應至雙樹間諸優婆夷所設供具倍勝於前持至佛所稽首佛足繞百千而白佛言世尊我等今者為佛及僧辦諸供具唯願如來哀受我供如來默然而不許可諸優婆夷不果所願心懷惆悵却住一面爾時復有四恒河沙毗耶離城諸離車等男女大小妻子眷屬及閻浮提諸王眷屬為求法故善修戒行威儀具足摧伏異學壞正法者常相謂言我等當以金銀倉庫為令甘露無盡正法深奧之藏久住於世願今我等當得修學若有誹謗佛正法者當斷其舌復作是願若有出家毀禁戒者我當羅令還俗策使有能深學護持正法我當敬重如事父母若有眾僧能修正法我當隨喜今得勢力常欲樂聞大乘經典聞已亦能為人廣說皆悉成就如是功德其名曰淨無垢藏離車子淨不放逸離車子恒水無垢淨德離車子如是等各相謂言仁等今可速往佛所辦供養種種具足一一離車各嚴八萬四千大象八萬四千駟馬寶車八萬四千明月寶珠天木栴檀沉水薪束種種各有八萬四千一象前有寶幢幡蓋其蓋小者周市縱廣滿一由旬幡最長者長三十二由旬寶幢卑者高百由旬持如是等供養之具往至佛所稽首佛足繞百千而白佛言世尊我等今者為佛及僧辦諸供具唯願如來哀受我供如來默然而不許可諸離車等不果所願心懷愁惱以

佛神力去地七多羅樹於虛空中默然而住爾時復有五恒河沙大臣長者敬重大乘若有異學謗正法者是諸人等力能摧伏猶如雷雨摧折草木其名曰日光長者護世長者護法長者如是之等而為上首所設供具五倍於前俱共往詣娑羅雙樹間稽首佛足繞百千而白佛言世尊我等今者為佛及僧設諸供具唯願哀愍受我等供如來默然而不受之諸長者等不果所願心懷愁惱以佛神力去地七多羅樹於虛空中默然而住爾時復有六恒河沙毗舍離王及其後宮夫人眷屬閻浮提內所有諸王除阿闍世并及城邑聚落人民其名曰月無垢王等各嚴四兵欲往佛所是二王各有一百八十萬億人民眷屬是諸車兵駕以象馬象有六牙馬疾如風莊嚴供具六倍於前寶蓋之中有極小者周市縱廣滿八由旬幡極短者十六由旬寶幢卑者三十六由旬是諸王等皆悉安住於正法中惡賤邪法敬重大乘深樂大乘憐愍眾生等如一子所持飲食香氣流布滿四由旬亦於晨朝日出時持是種種上妙甘膳詣雙樹間至如來所而白佛言世尊我等為佛及比丘僧設是供具唯願如來哀愍受我最後供養如來知時亦不許可是諸王等不果所願心懷愁惱却住一面爾時復有七恒河沙諸王夫人唯除阿闍世王夫人為度眾生現受女身常親身行以空無相無願之法熏修其心其名曰三界妙夫人受德夫人如是等諸王夫人皆悉安住於正法中修行禁戒威儀具足憐愍眾生等如一子各相謂言今宜速往詣世尊所諸王夫人所設供養七倍於前香華寶幢繒綠幡蓋上妙飲食寶

蓋小者周市縱廣十六由旬幡最長者三十六由旬寶幢卑者六十八由旬飲食香氣周徧流布滿八由旬持如是等供養之具往如來所稽首佛足繞百千而白佛言世尊我等為佛及比丘僧設是供具唯願如來哀愍受我最後供養如來知時默然不受時諸夫人不果所願心懷愁惱自拔頭髮掩覆大哭猶如新喪所愛之子却在一面默然而住爾時復有八恒河沙諸天女等其名曰廣目天女而為上首作如是言汝等諸姊妹諦觀諦觀是諸大眾所設種種上妙供具欲供如來及比丘僧我等亦當如是嚴設微妙供具供養如來如來受已當入涅槃諸姊妹諸佛如來出世甚難最後供養亦復倍難若佛涅槃世間空虛是諸天女愛樂大乘欲聞大乘聞已亦能為人廣說渴仰大乘既自充足復能充足餘渴仰者守護大乘若有異學憎嫉大乘勢能摧滅如電摧草護持戒行威儀具足善能隨順一切世間度未度者脫未脫者於未來世當轉法輪紹三寶種使不斷絕修學大乘以大莊嚴而自莊嚴成就如是無量功德等慈眾生如視一子亦於晨朝日出時各取種種天木香等倍於人間所有香木其木香氣能滅人中種種臭穢白車白蓋駕四白馬一一車上皆張白帳其帳四邊懸諸金鈴種種香華寶幢幡蓋上妙甘膳種種妓樂歡師子座其座四足純紺琉璃於其座後各皆有七寶倚牀一座前復有金机復以七寶而為燈樹種種寶珠以為燈明微妙天華徧布其地是諸天女設是供已心懷感涕淚交流生大苦惱亦為利益安樂眾生成就大乘第一空行顯發如來方便密教

亦為不斷種種說法往詣佛所稽首佛足繞百千而白佛言世尊唯願如來哀受我等最後供養如來知時默然不受諸天女等不果所願心懷憂惱却在四面默然而住爾時復有九恒河沙諸龍王等住於四方其名曰和修吉龍王難陀龍王婆難陀龍王而為上首是諸龍王亦於嚴朝日出時設諸供具倍於人天持至佛所稽首佛足繞百千而白佛言唯願如來哀受我等最後供養如來知時默然不受是諸龍王不果所願心懷愁惱却坐一面爾時復有十恒河沙等諸鬼神王毗沙門王而為上首各相謂言仁等今者可速詣佛所設供具倍於諸龍持往佛所稽首佛足繞百千而白佛言唯願如來哀受我等最後供養如來知時默然不受是鬼神王不果所願心懷愁惱却坐一面爾時復有二十恒河沙金翅鳥王降怨鳥王而為上首復有三十恒河沙乾闥婆王那羅達王而為上首復有四十恒河沙緊那羅王善見王而為上首復有五十恒河沙摩睺羅伽王大善見王而為上首復有六十恒河沙阿脩羅王跋婆利王而為上首復有七十恒河沙陀那婆王無垢河水王跋提達多王等而為上首復有八十恒河沙等羅刹王可畏王而為上首捨離惡心更不食人於怨憎中生慈悲心其形醜陋以佛神力皆悉端正復有九十恒河沙樹林神王樂香王而為上首復有千恒河沙持呪王大幻持呪王而為上首復有一億恒河沙舍色鬼魅善見王而為上首復有百億恒河沙天諸采女藍婆女鬱婆尸女帝路沾女毗舍佉女而為上首復有千億恒河沙地諸鬼王白濕王而為上首復

有千萬億恒河沙等諸天子及諸天王四天王等復有十萬億恒河沙等四方風神吹諸樹上時非時華散雙樹間復有十萬億恒河沙主雲雨神皆作是念如來涅槃焚身之時我當主雨今火時滅眾中熱鬧為作清涼復有二十恒河沙大香象王羅睺象王金象王甘味象王紺眼象王欲香象王等而為上首敬重大乘受樂大乘知佛不久當般涅槃各各取無量無邊諸妙蓮華來至佛所頭面禮佛却住一面復有二十恒河沙等師子獸王師子吼王而為上首施與一切眾生無畏持諸華果來至佛所稽首佛足却住一面復有二十恒河沙等諸飛鳥王鳧鴈鴛鴦孔雀乾闥婆鳥迦蘭陀鳥鸚鵡鴉鵲俱翅羅鳥婆嚩伽鳥迦陵頻伽鳥耆婆耆婆鳥如是等諸鳥持諸華果來至佛所稽首佛足却住一面復有二十恒河沙等水牛牛羊往至佛所出妙香乳其乳流滿拘尸那城所有溝坑色香美味悉皆具足成是事已却住一面復有二十恒河沙等四天下中諸神仙人忍辱仙等而為上首持諸香華及諸甘果來詣佛所稽首佛足繞佛三匝而白佛言唯願世尊哀受我等最後供養如來知時默然不許時諸仙人不果所願心懷愁惱却住一面爾時諸佛所稽首佛足繞佛二匝却住一面爾時閻浮提中比丘比丘尼一切皆集唯除尊者摩訶迦葉阿難二眾復有無量阿僧祇恒河沙等世界中閻及閻浮提所有諸山須彌山王而為上首其山莊嚴叢林蒼鬱諸樹茂盛枝條扶疎蔭蔽日光種種妙華周徧而有龍泉流水清淨香潔諸天

龍神乾闥婆阿脩羅迦樓羅緊那羅摩睺羅伽神仙呪術作倡妓樂如是等眾彌滿其中是等諸神亦來詣佛稽首佛足却住一面復有阿僧祇恒河沙等四大海神及諸河神有大威德具大神足所設供養倍勝於前諸神身光伎樂燈明悉蔽日月今不復現以占婆華散照連河來至佛所稽首佛足却住一面爾時拘尸那城娑羅樹林其林葉白猶如白鶴於虛空中自然而有七寶堂閣彫文刻鏤綺飾分明周市欄楯眾寶雜廟堂下多有流泉浴池上妙蓮華彌滿其中猶如北方鬱單越國亦如勿利歡喜之園爾時娑羅樹林中間種種莊嚴甚可愛樂亦復如是是諸天人阿脩羅等咸觀如來涅槃之相皆悉悲感愁憂不樂爾時四天王釋提桓因各相謂言汝等觀察諸天世人及阿脩羅大設供養欲於最後供養如來我等亦當如是供養若我最後得供養者檀波羅密則為成就滿足不難爾時四天王所設供養倍勝於前持曼陀羅華摩訶曼陀羅華迦柁樓伽華摩訶迦柁樓伽華曼珠沙華摩訶曼珠沙華散多尼迦華摩訶散多尼迦華愛樂華大愛樂華普賢華大普賢華時華大時華香城華大香城華歡喜華大歡喜華發欲華大發欲華香醉華大香醉華普香華大普香華天金葉華龍華波利質多樹華拘毗陀羅樹華復持種種上妙甘饌來至佛所稽首佛足是諸天人所有光明能覆日月今不復現以是供具欲供養佛如來知時默然不受爾時諸天不果所願愁憂苦惱却住一面爾時釋提桓因及三十三天設諸供具亦倍勝前及所持華亦復如是香氣微妙甚可愛樂持得勝堂并諸

小堂來至佛所稽首佛足而白佛言世尊我等深樂愛護大乘唯願如來哀受我食如來知時默然不受時諸釋天不果所願心懷愁惱却住一面乃至第六天所設供養展轉勝前寶幢幡蓋寶蓋小者覆四天下燔最短者周圍四海幢最卑者至自在天微風吹幡出妙音聲持上甘露來詣佛所稽首佛足白佛言世尊唯願如來哀受我等最後供養如來知時默然不受是諸天等不果所願心懷愁惱却住一面上至有頂其餘梵眾一切來集爾時大梵天王及餘梵眾放身光明徧四天下欲界人天日月光明悉不復現持諸寶幢繒繡幡蓋繡極短者懸於梵宮至娑羅樹間來詣佛所稽首佛足白佛言世尊唯願如來哀受我等最後供養如來知時默然不受爾時諸梵不果所願心懷愁惱却住一面爾時毗摩質多阿脩羅王與無量阿脩羅大眷屬俱身諸光明勝於梵天持諸寶幢繒繡幡蓋其蓋小者覆千世界上妙甘露來詣佛所稽首佛足而白佛言唯願如來哀受我等最後供養如來知時默然不受諸阿脩羅不果所願心懷愁惱却住一面爾時欲界魔王波旬與其眷屬諸天姝女無量無邊阿僧祇眾開地獄門施清淨水因而告曰汝等今者無所能為唯當專念如來應正徧知建立最後隨喜供養當令汝等長夜獲安時魔波旬於地獄中悉除刀劍無量苦毒熾然談火靈雨滅之以佛神力復發是心今諸眷屬皆捨刀劍弓弩鎗仗鏃稍長鈎金椎鉞斧闔輪索所持供養倍勝一切人天所設其蓋小者覆中千界來至佛所稽首佛足而白佛言我等今者愛樂大乘守護大乘世尊若有

善男子善女人為供養故為怖畏故為誑他故為財利故為隨他故受是大乘或真或偽我等爾時當為是人除滅怖畏說如是呪  
誑相 阿羅遮羅 多羅 莎訶  
是呪能令諸失心者怖畏者說法者不斷正法者為伏外道故護已身故護正法故護大乘故說如是呪若有能持如是呪者無惡象怖若至曠野空澤險處不生怖畏亦無水火師子虎狼盜賊王難世尊若有能持如是呪者悉能除滅如是等怖世尊持是呪者我當護之如龜藏六世尊我等今若不以此誑語說如是事持是呪者我當至誠益其勢力唯願如來哀受我等最後供養爾時佛告魔波旬言我不受汝飲食供養我已受汝所說神呪為欲安樂一切眾生四部眾故佛說是已默然不受如是三請皆亦不受時魔波旬不果所願心懷愁惱却住一面爾時大自在天王與其眷屬無量無邊及諸天眾所設供具悉覆梵釋護世四王人天八部及非人等所有供具梵釋所設猶如聚墨在珂貝邊悉不復現寶蓋小者能覆三千大千世界持如是等供養之具來詣佛所稽首佛足繞無數匝白佛言世尊我等所獻微末供具喻如蚊子供養於我亦如有人以一掬水投之大海然一小燈助百千日春夏之月眾華茂盛有持一華益於眾華以亭歷子益於須彌豈當有益大海日明眾華須彌世尊我今所奉微末供具亦復如是若以三千大千世界滿中香華妓樂蓋供養如來尚不足言何以故如來為諸眾生常於地獄餓鬼畜生諸惡趣中受諸苦惱是故世尊應

見哀愍受我等供爾時東方去此無量無數阿僧祇恒河沙微塵等世界彼有佛土名意樂美音佛號虛空等如來應正徧知明行足善逝世間解無上士調御丈夫天人師佛世尊爾時彼佛即告第一大弟子言善男子汝今宜往西方娑婆世界彼土有佛號釋迦牟尼如來應正徧知明行足善逝世間解無上士調御丈夫天人師佛世尊彼佛不久當般涅槃善男子汝可持此世界香飯其食香美之樂隱可以此食奉獻彼佛世尊世尊食已入般涅槃善男子并可禮敬請決所疑爾時無邊身菩薩摩訶薩即受佛敎從座而起稽首佛足右繞三匝與無量阿僧祇菩薩俱從彼國發來至此娑婆世界應時此間三千大千世界大地六種震動於是眾中梵釋四王魔王波旬摩醯首羅如是大眾見是地動舉身毛豎喉舌枯燥驚怖顛倒各欲四散自見其身無復光明所有威德殄滅無餘是時文殊師利法王子即從座起告諸大眾諸善男子汝等勿怖汝等勿怖何以故東方去此無量無數阿僧祇恒河沙數微塵等世界有世界名意樂美音佛號虛空等如來應正徧知十號具足彼有菩薩名無邊身與無量菩薩欲來至此供養如來以彼菩薩威德力故令汝身光悉不復現是故汝等應生歡喜勿懷恐怖爾時大眾悉皆遙見彼佛大眾如明鏡中自觀己身時文殊師利復告大眾汝今所見彼佛大眾如見此佛以佛神力復當如是得見九方無量諸佛爾時大眾各相謂言善哉善哉世間空虛世間空虛如來不又當般涅槃是時大眾一切悉見無邊身菩薩及其眷屬是菩薩身一毛孔各各出生一

大蓮華一一蓮華各有七萬八千城邑縱廣正等如毗耶離城牆壁諸聖七寶雜劇多羅寶樹七重行列人民熾盛安隱豐樂閻浮檀金以爲却敵一一却敵各有種種七寶林樹華果茂盛微風吹動出微妙音其聲和雅猶如天樂城中人民聞是音聲即得受於上妙快樂是諸聖中妙水盈滿清淨香潔如真琉璃是諸水中有一寶船諸人乘之遊戲深浴共相娛樂快樂無極復有無量雜色蓮華優鉢羅華拘物頭華波頭摩華分陀利華其華縱廣猶如車輪其壘岸上多有園林一一園中有五泉池是諸池中復有諸華優鉢羅華拘物頭華波頭摩華分陀利華其華縱廣亦如車輪香氣芬馥甚可愛樂其水清淨柔軟第一鳧鷖鴛鴦遊戲其中其園各有衆寶宮宅一一宮宅縱廣正等滿四由旬所有牆壁四寶所成所謂金銀琉璃玻璃其金爲向周而欄楯玫瑰爲地金沙布上是宮宅中多有七寶流泉浴池一一池邊各有十八黃金梯階閣浮檀金爲芭蕉樹如切利天歡喜之園是一一城各有八萬四千人王一一諸王各有無量夫人婁女共相娛樂歡喜受樂其餘人民亦復如是各於住處共相娛樂是中衆生不聞餘名純聞無上大乘之聲是諸華中一一各有師子之座其座四足皆紺琉璃柔軟素衣以敷座上其衣微妙出過三界一座上有一王坐以大乘法教化衆生或有衆生書持讀誦如說修行如是流布大乘經典爾時無邊身菩薩安止如是無量衆生於自己身令捨世樂皆作是言苦哉苦哉世間空虛如來不又當般涅槃爾時無邊身菩薩與無量菩薩周圍繞示現如是神

通力已持是種種無量供具及以妙香美味食若有得聞其食香氣煩惱諸垢皆悉消滅以是菩薩神通力故一切大衆悉皆得見如是變化無邊身菩薩身大無邊量同虛空唯除諸佛餘無能見是菩薩身其量邊際爾時無邊身菩薩及其眷屬所設供養倍勝於前來至佛所稽首佛足合掌恭敬白佛言世尊唯願哀愍受我等食如來知時默然不受如是三請悉亦不受爾時無邊身菩薩及其眷屬却住一而南西北方諸佛世界亦有無量無邊身菩薩所持供養倍勝於前來至佛所乃至却住一面皆亦如是爾時娑羅雙樹吉祥福地縱廣三十二由旬大衆充滿間無空缺爾時四方無邊身菩薩及其眷屬所坐之處或如錐頭針鋒微塵十方如微塵等諸佛世界諸大菩薩悉來集會及閻浮提一切大衆亦悉來集唯除尊者摩訶迦葉阿難二衆阿闍世王及其眷屬乃至毒蛇視能殺人蠅蟻蠅蝸及十六種行惡業者一切來集陀那婆神阿脩羅等悉捨惡念皆生慈心如父如母如姊如妹三千大千世界衆生慈心相向亦復如是除一闍提爾時三千大千世界以佛神力故地皆柔軟無有丘墟土沙礫石荆棘毒草衆寶莊嚴猶如西方無量壽佛極樂世界是時大衆悉見十方如微塵等諸佛世界如於明鏡自觀已身見諸佛土亦復如是爾時如來面門所出五色光明其光明曜覆諸大會令彼身光悉不復現所應作已還從口入時諸天人及諸會衆阿脩羅等見佛光明還從口入皆大恐怖身毛爲豎復作是言如來光明出已還入非無因緣必於十方所作已辦將是最後涅槃之相何

其苦哉何其苦哉如何世尊一旦捨離四無量心不受人天所奉供養聖慧日明從今未滅無上法船於斯沉沒嗚呼痛哉世間大苦舉身推胃悲號啼哭支節戰動不能自持身諸毛孔流血灑地

大般涅槃經卷第一

通一

拔 取切 拍 普白切 推 直道切 顛 戰音 慄 栗音 哽 更音  
於切 戕 才音 抑 於力切 五 牙音 掉 調切 嚼 身切  
瘦切 澡 早音 鬱 舒切 膠 交音 繒 咸切 綵 倉切  
轅音 繒 耕切 填 田音 啟 後音 酢 二音 齋 切

大般涅槃經卷第二

通二

北涼天竺三藏曇無讖奉 詔譯  
大般涅槃經壽命品第一之二

爾時會中有優婆塞是拘尸那城工巧之子名曰  
純陀與其同類十五人俱為今世間得善果故  
捨身威儀從座而起偏袒右肩右膝著地合掌  
向佛悲泣墮淚頂禮佛足而白佛言唯願世尊  
及比丘僧哀受我等最後供養為度無量諸眾  
生故世尊我等從今無主無親無救無護無歸  
無趣貧窮飢困欲從如來求將來食唯願哀愍  
受我微供然後乃入於般涅槃世尊譬如利利  
若婆羅門毗舍首陀以貧窮故遠至他國役力  
農作得好調牛良田平正無諸沙漏惡草株杻  
唯憐天兩言調牛者喻身口七良田平正喻於  
智慧除去沙漏惡草株杻喻諸煩惱世尊我今  
身有調牛良田除去株杻唯憐如來甘露法兩  
貧四姓者即我身是貧於無上法之財寶唯願  
哀愍除斷我等貧窮困苦極及無量苦惱眾生  
我今所供難復微少莫得充足如來大眾我今  
無主無親無歸願垂矜愍如羅睺羅爾時世尊  
一切種智無上調御告純陀曰善哉善哉我今  
為汝除斷貧窮無上法兩兩汝身田今生法芽  
汝今於我欲求壽命色力安樂無礙辦才我當施汝  
常命色力安樂無礙何以故純陀施食有一果報無  
差何等為二者受已得阿耨多羅三藐三菩  
提二者受已入於涅槃我今受汝最後供養今  
汝具足檀波羅蜜爾時純陀即白佛言如佛所  
說二施果報無差別者是義不然何以故先受  
施者煩惱未盡未得成就一切種智亦未能令  
眾生具足檀波羅蜜後受施者煩惱已盡已得

成就一切種智能令眾生得具足檀波羅蜜  
先受施者直是眾生後受施者是天中天先受  
施者是雜食身煩惱之身是後邊身是無常身  
後受施者無煩惱身金剛之身法身常身無邊  
之身云何而言二施果報無差別先受施者  
未能具足檀波羅蜜乃至般若波羅蜜唯得聞  
眼未得佛眼乃至慧眼後受施者已得具足檀  
波羅蜜乃至般若波羅蜜具足佛眼乃至慧眼  
云何而言二施果報無差別世尊先受施者  
受已食噉入腹消化得命得色得力得安得無  
礙辯後受施者不食不消無五事果云何而言  
二施果報無差別佛言善男子如來已於無  
量無邊阿僧祇劫無有食身煩惱之身無後邊  
身常身法身金剛之身善男子未見佛性者名  
煩惱身雜食之身是後邊身善薩爾時受飲食  
已入金剛三昧此食消已即見佛性得阿耨多  
羅三藐三菩提是故我言二施果報無差別  
善薩爾時破壞四魔今入涅槃亦破四魔是故  
我言二施果報無差別善薩爾時雖不廣說  
十二部經先已通達今入涅槃廣為眾生分別  
演說是故我言二施果報無差別善男子如  
來之身已於無量阿僧祇劫不受飲食為諸聲  
聞說言先受難陀難陀波羅二牧牛女所奉乳  
糜然後乃得阿耨多羅三藐三菩提我實不食  
我今普為此會大眾是故受汝最後所奉實亦  
不食爾時大眾聞佛世尊普為大會受於純陀  
最後供養歡喜踴躍同聲讚言善哉善哉希有  
純陀汝今立字名不虛稱言純陀者名解妙義  
汝今建立如是大義是故依實從義立名故名  
純陀汝今現世得大名利德願滿足甚奇純陀

生在人中復得難得無上之利善哉純陀如優  
曇華世間希有佛出於世亦復甚難值佛生信  
聞法復難佛臨涅槃最後供養能辦是事復難  
於是南無純陀南無純陀汝今已具檀波羅蜜  
猶如秋月十五日夜清淨圓滿無諸雲翳一切  
眾生無不瞻仰汝亦如是而為我等之所瞻仰  
佛已受汝最後供養今汝具足檀波羅蜜南無  
純陀是故說汝如月圓滿一切眾生無不瞻仰  
南無純陀雖受人身心如佛心汝今純陀真是  
佛子如羅睺羅等無有異爾時大眾即說偈言  
汝雖生人道 已起第六天 我及一切眾  
今故稽首請 人中最勝尊 今當入涅槃  
汝應愍我等 唯願速請佛 久住於世間  
利益無量眾 演說智所讚 無上甘露法  
汝若不請佛 我命將不全 是故應見為  
稽請調御師  
爾時純陀歡喜踴躍譬如有人父母卒喪忽然  
還活純陀歡喜亦復如是復起禮佛而說偈言  
快哉獲已利 善得於人身 獨除貪恚等  
永離三惡道 快哉獲已利 遇得金寶聚  
值遇調御師 不懼墮畜生 佛如優曇華  
值遇生信難 遇已種善根 永滅賊鬼苦  
亦復能損滅 阿脩羅種類 芥子投針鋒  
佛出難於是 我已具足檀 度人天生死  
佛不滌世法 如蓮華處水 善斷有頂種  
永度生死流 生世為人難 值佛世亦難  
猶如大海中 盲龜值浮孔 我今所奉食  
願得無上報 一切煩惱結 摧破不堅牢  
我今於此處 不求人天身 設使得之者  
心亦不甘樂 如來受我供 歡喜無有量

猶如伊蘭華 出於栴檀香 我身如伊蘭  
 如來受我供 如出栴檀香 是故我歡喜  
 我今得現報 最勝上妙處 釋梵諸天等  
 悉來供養我 一切諸世間 悉生大苦惱  
 以知佛世尊 欲入於涅槃 高聲唱是言  
 世間無調御 不應捨眾生 應視如一子  
 如來在僧中 演說無上法 如須彌寶山  
 安處于大海 佛智能善斷 我等無明闇  
 猶如虛空中 起雲得清涼 如來能善除  
 一切諸煩惱 猶如日出時 除雲光普照  
 是諸眾生等 啼泣面目腫 悉皆為生死  
 苦水之所漂 以是故世尊 應長眾生信  
 為斷生死苦 久住於世間

佛告純陀如是如是如汝所說佛出世難如優  
 曇華值佛生信亦復甚難佛臨涅槃最後施食  
 能具足檀倍復甚難汝今純陀莫大愁苦應生  
 踊躍喜自慶幸得值最後供養如來成就具足  
 檀波羅蜜不應請佛久住於世汝今當觀諸佛  
 境界悉皆無常諸行性相亦復如是即為純陀  
 而說偈言

一切諸世間 生者皆歸死 壽命雖無量  
 要必當有盡 夫盛必有衰 合會有別離  
 壯年不久停 盛色病所侵 命為死所吞  
 無有法常者 諸王得自在 勢力無等雙  
 一切皆遷動 壽命亦如是 來苦輪無際  
 流轉無休息 三界皆無常 諸有無有樂  
 有道本性相 一切皆空無 可壞法流轉  
 常有憂患等 恐怖諸過患 老病死衰惱  
 是諸無有邊 易壞怨所侵 煩惱所纏裹  
 猶如蠶與質 何有智慧者 而當樂是處

此身苦所集 一切皆不淨 軀縛羶瘡等  
 根本無義利 上至諸天身 皆亦復如是  
 諸欲皆無常 故我不貪著 離欲善思惟  
 而證於真實 究竟斷有者 今日當涅槃  
 我度有彼岸 已得過諸苦 是故於今日  
 絕受上妙樂 以是因緣故 證無戲論邊  
 求斷諸纏縛 今日入涅槃 我無老病死  
 壽命不可盡 我今入涅槃 猶如大火滅  
 純陀汝不應 思量如來義 當觀如來性  
 猶如須彌山 我今正涅槃 受持第一樂  
 諸佛法如是 不應復啼哭

爾時純陀白佛言世尊如是如是如是誠如聖教我  
 今所有智慧微薄猶如蚊蚋何能思議如來涅槃  
 深奧之義世尊我今已與諸大龍象菩薩摩訶  
 薩斷諸結漏文殊師利法王子等世尊譬如  
 幼年初得出家雖未受具即墮僧數我亦如是  
 以佛菩薩神通力故得在如是大菩薩數是故  
 我今欲令如來久住於世不久涅槃譬如飢人  
 終無覺吐願使世尊亦復如是常住於世不入  
 涅槃爾時文殊師利法王子告純陀言純陀汝  
 今不應發如是言欲使如來常住於世不般涅  
 槃如彼飢人無所覺吐汝今當觀諸行性相如  
 是觀行具空三昧欲求正法應如是學純陀問  
 言文殊師利夫如來者天上人中最尊最勝如

是如來豈足行耶若足行者為生滅法譬如水  
 泡速起速滅往來流轉猶如車輪一切諸行亦  
 復如是我聞諸天壽命極長云何世尊是中天  
 天壽命更促不滿百年如聚落主勢得自在以  
 自在力能制他人是人福盡其後貧賤人所輕  
 憐為他策使所以者何失勢力故世尊亦爾同

於諸行同諸行者則不得稱為天中天何以故  
 諸行即是生死法故是故文殊勿觀如來同於  
 諸行復次文殊師利為知而說不知而說而言  
 如來同於諸行設使如來同諸行者則不得言  
 於三界中為天中天自在法王譬如人王有大  
 力士其力當千更無有能降伏之者故稱此人  
 一人當千如是力士王所愛念偏賜爵祿封賞  
 日然所以得稱當千人者是人未必力敵於千  
 但以種種技藝所能勝千故稱當千如來  
 亦爾降煩惱魔陰魔天魔死魔是故如來名三  
 界尊如彼力士一人當千以是因緣成就具足  
 種種無量真實功德故稱如來應正遍知文殊  
 師利汝今不應憶想分別以如來法同於諸行  
 譬如巨富長者生子相師占之有短壽相父母  
 聞已知其不任紹繼家嗣不復愛重視如芻草  
 夫短壽者不為沙門婆羅門等男女大小之所  
 敬念若使如來同諸行者亦復不為一切世間  
 人天眾生之所奉敬如來所說不變不異真實  
 之法亦無受者是故文殊師利不應說言如來同於  
 一切諸行復次文殊師利譬如貧女無有居家救護  
 之者加復病苦飢渴所逼遊行乞食止他客舍  
 寄生一子是客舍主驅逐令去其產未久講抱  
 是兒欲至他國於其中路遇惡風雨寒苦並至  
 多為蚊蠅蜂螫毒蟲之所咬食經由恒河抱兒  
 而度其水漂疾而不放捨於是母子遂共俱沒  
 如是女人慈念功德命終之後生於梵天文殊  
 師利若有善男子欲護正法勿說如來同於諸  
 行不同諸行唯當自責我今愚癡無有慧目如  
 來正法不可思議是故不應宣說如來定是有  
 為定是無為若正見者應說如來定是無為何

於諸行同諸行者則不得稱為天中天何以故  
 諸行即是生死法故是故文殊勿觀如來同於  
 諸行復次文殊師利為知而說不知而說而言  
 如來同於諸行設使如來同諸行者則不得言  
 於三界中為天中天自在法王譬如人王有大  
 力士其力當千更無有能降伏之者故稱此人  
 一人當千如是力士王所愛念偏賜爵祿封賞  
 日然所以得稱當千人者是人未必力敵於千  
 但以種種技藝所能勝千故稱當千如來  
 亦爾降煩惱魔陰魔天魔死魔是故如來名三  
 界尊如彼力士一人當千以是因緣成就具足  
 種種無量真實功德故稱如來應正遍知文殊  
 師利汝今不應憶想分別以如來法同於諸行  
 譬如巨富長者生子相師占之有短壽相父母  
 聞已知其不任紹繼家嗣不復愛重視如芻草  
 夫短壽者不為沙門婆羅門等男女大小之所  
 敬念若使如來同諸行者亦復不為一切世間  
 人天眾生之所奉敬如來所說不變不異真實  
 之法亦無受者是故文殊師利不應說言如來同於  
 一切諸行復次文殊師利譬如貧女無有居家救護  
 之者加復病苦飢渴所逼遊行乞食止他客舍  
 寄生一子是客舍主驅逐令去其產未久講抱  
 是兒欲至他國於其中路遇惡風雨寒苦並至  
 多為蚊蠅蜂螫毒蟲之所咬食經由恒河抱兒  
 而度其水漂疾而不放捨於是母子遂共俱沒  
 如是女人慈念功德命終之後生於梵天文殊  
 師利若有善男子欲護正法勿說如來同於諸  
 行不同諸行唯當自責我今愚癡無有慧目如  
 來正法不可思議是故不應宣說如來定是有  
 為定是無為若正見者應說如來定是無為何

以故能為眾生善法故生憐愍故如彼貧女在於恒河為愛念子而捨身命善男子護法菩薩亦應如是寧捨身命不說如來同於有為當言如來同於無為以說如來同無為故得阿釋多羅三藐三菩提如彼女人得生梵天何以故以護法故云何護法所謂說言如來同於無為善男子如是之人雖不求解脫解脫自至如彼貧女不求梵天梵天自至文殊師利如人遠行中路疲極寄止他舍臥寐之中其室忽然大火卒起即時驚寤尋自思惟我於今者定死無疑具慚愧故以衣纏身即便命終主初利天從是已後滿八十反作大梵王滿百千世生於人中為轉輪王是人不能生三惡趣展轉常生安樂之處以是緣故文殊師利若善男子有慚愧者不應觀佛同於諸行文殊師利外道邪見可說如來同於有為持戒比丘不應如是於如來所生有為想若言如來是有為者即是妄語當知是人死入地獄如人自處於已舍宅文殊師利如來真實是無為法不應復言是有為也汝從今日於生死中應捨無知求於正智當知如來即是無為若能如是觀如來者具足當得三十二相速疾成就阿耨多羅三藐三菩提爾時文殊師利法王子讚純陀言善哉善哉善男子汝今已作長壽因緣能知如來是常住法不變異法無為之法汝今如是善覆如來有為之相如被火人為慚愧故以衣覆身以是善心生初利天復為梵王轉輪聖王不至惡趣常受安樂汝亦如是善覆如來有為相故於未來世必定當得三十二相八十種好十八不共法無量壽命不在生死常受安樂不久得成應正徧知純陀

如來次後自當廣說我之與汝俱亦當覆如來有為有為無為且其置之汝可隨時速施飯食如是施者諸施中最若比丘比丘尼優婆塞優婆夷速行疲極所須之物應當清淨隨時給與如是速施即是具足檀波羅蜜根本種子純陀若有最後施佛及僧者若少若不足宜速及時如來正爾當殷涅槃純陀言文殊師利汝今何故貪為此食而言多少足與不足令我時施文殊師利如來昔日苦行六年尚自支持況於今日須臾間耶文殊師利汝今實謂如來正覺受斯食耶然我定知如來身者即是法身非為食身爾時佛告文殊師利如是如是如純陀言善哉純陀汝已成就微妙大智善入甚深大乘經典文殊師利語純陀言汝謂如來是無為者如來之身即是長壽若作是知佛所悅可純陀言如來非獨悅可於我亦復悅可一切眾生文殊師利言如來於汝及以於我一切眾生皆悉悅可純陀言汝不應言如來悅可夫悅可者則是倒想若有倒想則是生死有生死者即有為法是故文殊勿謂如來是有為也若言如來是有為者我與仁者俱行顛倒文殊師利如來無有愛念之想夫愛念者如彼母牛愛念其子雖復飢渴行求水草若不足足忽然還歸諸佛世尊無有是念等視一切如羅睺羅如是念者即是諸佛智慧境界文殊師利譬如國王調御駕馭欲令驢車而及之者無有是處我與仁者亦復如是欲盡如來微密深奧亦無是處文殊師利如金翅鳥飛昇虛空無量由旬下觀大海悉見水性魚鼈龜龍之屬及見已影如於明鏡見諸色像凡夫少智不能審量

如是我所見我與仁者亦復如是不能審量如來智慧文殊師利語純陀言如是如是如汝所說我於此事非為不達直欲試汝諸菩薩爾時世尊從其面門出種種光其光明照耀文殊身文殊師利遇斯光已即知是事尋告純陀如來今者現是瑞相不久必當入於涅槃汝先所說最後供養宜時奉獻佛及大眾純陀當知如來放是種種光明非無因緣純陀聞已情塞默然佛告純陀汝所奉施佛及大眾今正是時如來正爾當殷涅槃第二第三亦復如是爾時純陀聞佛語已舉聲啼哭悲噎而言善哉善哉世間空虛復白大眾我等今者一切當共五體投地同聲勸佛莫般涅槃爾時世尊復告純陀莫大啼哭令心憔悴當觀是身猶如芭蕉熟時之露水沫幻化乾闥婆城瓦器電光亦如畫水臨死之囚熟果段肉如織經盡如碓上下當觀諸行猶難毒食有為之法多諸過患於是純陀復白佛言如來不欲久住於世我當云何而不啼泣苦哉苦哉世間空虛唯願世尊憐愍我等及諸眾生久住於世勿般涅槃佛告純陀汝今不應發如是言憐愍我故久住於世我以憐愍汝及一切是故今欲入於涅槃何以故諸佛法爾有為亦然故諸佛而說偈言  
有為之法 其性無常 生已不住 寂滅為樂  
純陀汝今當觀一切行雜諸法無我無常不住此身多有無量過患猶如水泡是故汝今不應啼泣爾時純陀復白佛言如是如是誠如尊教雖知如來方便示現入於涅槃而我不能不懷憂惱覆自思惟復生慶悅佛讚純陀善哉善哉能知如來示同眾生方便涅槃純陀汝今當聽



如娑羅婆鳥春陽之月皆共集彼阿耨達池諸佛亦爾皆至是處純陀汝今不應思惟諸佛長壽短壽一切諸法皆如幻相如來在中以方便力無所深著何以故諸佛法爾純陀我今受汝所獻供養為欲令汝度於生死諸有流故若諸人天於此最後供養我者悉皆當得不動果報常受安樂何以故我是眾生良福田故汝若復欲為諸眾生作福田者速辦所施不且久停爾時純陀為諸眾生得度脫故低頭杖淚而白佛言善哉世尊我若堪任為福田時則能了知如來涅槃及非涅槃我等今者及諸聲聞緣覺智慧猶如蚊蟻實不能量如來涅槃及非涅槃爾時純陀及其眷屬愁憂啼泣圍繞如來燒香散華盡心敬奉尋與文殊從座而去供辦食具其去未久是時此地六種震動乃至梵世亦復如是地動有二或有地動或大地動小動者名為地動大動者名大地動有小聲者名曰地動有大聲者名大地動獨地動者名曰地動山河樹木及大海水一切動者名大地動一向動者名曰地動周迴旋轉名大地動動名地動動時能令眾生心動名大地動菩薩初從兜率天下閻浮提時名大地動從初生出家成阿耨多羅三藐三菩提轉於法輪及般涅槃名大地動今日如來將入涅槃是故此地如是大動時諸天龍乾闥婆阿脩羅迦樓羅緊那羅摩睺羅伽人及非人聞是語已身毛皆豎同聲哀泣而說偈言稽首禮調御 我等今勸請 遠離於人仙故無有救護 今見佛涅槃 我等沒苦海愁憂懷悲惱 猶如憤失母 貧窮無救護 猶如困病人 無醫隨自心 食所不應食

眾生煩惱病 常為諸見害 遠離法醫師 服食邪毒藥 是故佛世尊 不應見捨離 如國無君主 人民皆飢饉 我等亦如是 失墜及法味 今聞佛涅槃 我等心迷亂 如彼大地動 迷失於諸方 大仙入涅槃 佛日墜於地 法水悉枯竭 我等定當死 如來般涅槃 眾生極苦惱 譬如長者子 漸喪於父母 如來入涅槃 如其不還者 我等及眾生 悉無有救護 如來入涅槃 乃至諸畜生 一切皆愁怖 苦惱焦其心 我等於今者 云何不愁惱 如來見捨捨 猶如棄淡唾 譬如日初出 光明甚暉皎 既能還自照 亦滅一切闇 如來神通光 能除我苦惱 處在大眾中 譬如須彌山 世尊譬如國王生育諸子形貌端正常愛念 先教技藝悉令通利然後將付魁膾令殺世尊 我等今日為法王子蒙佛教誨已具正見願莫 放捨如其放捨則同王子唯願久住不入涅槃 世尊譬如有人善學諸論復於此論而生怖畏 如來亦爾通達諸法而於諸法復生怖畏若使 如來久住於世說甘露味充足一切如是眾生 則不復畏墮於地獄世尊譬如有人初學作務 為官所收閉之園固有人問之汝受何事答言 我今受大憂苦若其得脫則得安樂世尊亦爾 為我等故修諸苦行我等今者猶未得免生死 苦惱云何如來得受安樂世尊譬如醫王善解 方藥偏以秘方教授其子不教其餘外受學者 如來亦爾獨以甚深秘密之藏偏教文殊遺棄 我等不見顧慈如來於法應無慳悋如彼醫王 偏教其子不教外來諸受學者彼醫所以不能

昔教情存勝負故有祕惜如來之心終無勝負 何故如是不見教誨唯願久住莫般涅槃世尊 譬如老少病苦之人離於善徑行於險路路險 避難多受苦惱更有異人見之憐愍即便示以 平坦好道世尊我亦如是所謂少者喻未增長 法身之人老者喻重煩惱病者喻未脫生死險 路者喻二十五有唯願如來示導我等甘露正 道久住於世勿入涅槃爾時世尊告諸比丘汝 等比丘莫如凡夫諸天人等愁憂啼哭當勤精 進繫心正念時諸天人阿脩羅等聞佛所說止 不啼哭猶如有人殞喪子已止不啼哭爾時世 尊為諸大眾說是偈言 汝等當開意 不應大愁苦 諸佛法皆爾 是故當默然 樂不放逸行 守心正憶念 遠離諸非法 慰意受歡樂 復次比丘若有疑或今皆當問若空不空若常 無常若苦非苦若依非依若去不去若歸非歸 若恒非恒若斷非斷若眾生非眾生若有若無 若實不實若真不真若滅不滅若密不密若二 不二如是等種種法中有所疑者今應諮問我 當隨順為汝斷之亦當為汝先說甘露然後乃 當入於涅槃諸比丘佛出世世難人身難得值佛 生信是事亦難能忍難忍是亦復難成就禁戒 具足無缺得阿羅漢果是事亦難如求金沙優 曇鉢華汝諸比丘離於八難得人身難汝等遇我 不應空過我於往昔種種苦行今得如是無上 方便為汝等故無量劫中捨身手足頭目髓腦 是故汝等不應放逸汝等比丘云何莊嚴正法 寶城具足種種功德珍寶戒定智慧為擔墮埤 現汝今遇是佛法寶城不應取此虛偽之物譬